

Bagi A : Objektif
 [Taga Jam : 30 minit]
 [20 mark]

Tanya 1 ngagai 7

*Tembuka ayat di baruh tu ngena jaku ti **engkeman**.*

1. Penatai bala pemesai ngagai sekula nya disambut ____ ngena chukup adat basa sereta diumba enggau ajat sereta tabuh.
 - A. aku
 - B. sida
 - C. kami
 - D. kitai
2. Daun rampu ti dipanduk indai Endun nya nadai asai sereta ____ laban kurang garam enggau biching.
 - A. masam
 - B. tabar
 - C. pait
 - D. masin
3. Empari seduai Mengga muar manyi lalu bulih dua ____ idang ba puchuk Tapang di Tinting Berangan demalam.
 - A. igi
 - B. buah
 - C. labit
 - D. lambar
4. Buah dabai ti ditiki sida kemari ditasak indai lalu ____ sebedau diguring.
 - A. dipichit
 - B. ditingkil
 - C. dipechah
 - D. dipelesut
5. Sida iya sebilik nadai mindah ke bukai semina diau ____ Sri Aman maya peremisi sekula ti deka datai.
 - A. ke
 - B. di
 - C. ari
 - D. dalam

6. Hari ujan mesi-mesi ____ apai Dungat majak nangkai getah laban enchadika belanja dikenai anak besekula.
- A. taja pia
 - B. taja pan
 - C. tang lalu
 - D. tang mega
7. Mata Igat Duat nyau ____ deka tinduk ninga licha ari Tuai Rumah Merang laban hari udah jauh malam.
- A. kiji-kiji
 - B. kulap-kulap
 - C. lanuk-lanuk
 - D. pesap-pesap

Tanya 8 ngagai 12

*Pilih ayat penerang kena nipak reti tauka **nyau deka sebaka** reti enggau ayat ti bechelak tebal di baruh tu.*

8. **Kami serumah di Rumah Panjai Nanga San ngerupan meresi kandang rumah.**
- A. Ngerupan meresi kandang rumah kami serumah di Rumah Panjai Nanga San.
 - B. Di Rumah Panjai Nanga San kami serumah ngerupan meresi kandang rumah.
 - C. Meresi kandang rumah kami serumah di Rumah Panjai Nanga San ngerupan.
 - D. Kandang rumah kami serumah di Rumah Panjai Nanga San meresi ngerupan.
9. **Luma ngirum emel pasal ngepan asal Iban ngagai bakih iya ti benung belajar ba universiti di menua Korea.**
- A. Dikirum Luma emel pasal ngepan asal Iban ngagai bakih iya ti benung belajar ba universiti di menua Korea.
 - B. Luma dikirum emel ngagai bakih iya ti benung belajar ba universiti di menua Korea pasal ngepan asal Iban.
 - C. Emel pasal ngepan asal Iban dikirum Luma ngagai bakih iya ti benung belajar ba universiti di menua Korea.
 - D. Pasal ngepan asal Iban emel dikirum bakih iya ngagai Luma ti benung belajar ba universiti di menua Korea.

10. **“Aku deka agi nemuai ba menua diri enti dibanding ngagai menua luar,” ku Senada madah ngagai Alin seduai Ina.**
- A. Ina madah ngagai Senada seduai Alin iya deka agi nemuai ba menua diri enti dibanding enggau menua luar.
 - B. Alin madah ngagai Senada seduai Ina iya deka agi nemuai ba menua diri enti dibanding enggau menua luar.
 - C. Senada madah ngagai Alin seduai Ina iya deka agi nemuai ba menua diri enti dibanding enggau menua luar.
 - D. Alin seduai Ina madah ngagai Senada seduai iya deka agi nemuai ba menua diri enti dibanding enggau menua luar.
11. **Bala nembiak gagit ati maya nemuai ngagai Muzium Kuching. Bala nembiak deka belajar penemu baru.**
- A. Bala nembiak gagit ati maya nemuai ngagai Muzium Kuching tang deka belajar penemu baru.
 - B. Bala nembiak gagit ati maya nemuai ngagai Muzium Kuching tauka deka belajar penemu baru.
 - C. Bala nembiak gagit ati maya nemuai ngagai Muzium Kuching lalu deka belajar penemu baru.
 - D. Bala nembiak gagit ati maya nemuai ngagai Muzium Kuching laban deka belajar penemu baru.
12. Sida Endun sebilik nadai pulai ke menua maya pengerami Hari Krismas laban apai iya sakit.
- A. Nama pemedis ti nuntung apai Endun maya pengerami Hari Krismas?
 - B. Kini ke sida Endun nadai pulai ke menua ngintu pengerami Hari Krismas?
 - C. Dini sida Endun sebilik ngintu pengerami Hari Krismas maya apai iya sakit?
 - D. Lapa sida Endun sebilik nadai pulai ke menua maya pengerami Hari Krismas?

Tanya 13– 14

Pilih ayat ti betul di baruh tu lalu tentuka saut nuan nya engkeman.

13. I. Nembiak sekula belajarka leka main ba kelas 3 Regas.
 II. Semua orang diasuh macha pesan enggau silik ari radio.
 III. Ikan tilapia ti ditupi sida diberi apai iya ngirup umpan.
 IV. Ukui sida apai Santa suah deka nyalak nembiak ke bemain.
- A. I enggau II
 - B. II enggau III
 - C. III enggau IV
 - D. I enggau IV

14. I. Aki Ajang meli dua buku ruti paun ba pasar lemai kemari.
 II. Ini Entalai meri tiga singkap pinggai seramik ngagai adi iya.
 III. Pengajar Sinup ngagih dua limpir keretas ngagai nembiak iya.
 IV. Alang ngirum dua takang belachan ngagai menyadi iya ti di Malaya.
 A. I enggau II
 B. II enggau III
 C. III enggau IV
 D. I enggau IV

Tanya 15 ngagai 16

Pilih saut ti engkeman nitihka guna ba sempama.

15. Lebu pulai ngabang Gawai Mangkung Tiang ba Rumah Jaking, kami sebuat pulai seretai enda betinggal pangan.
 A. Munyi bilun
 B. Pelanda ukui
 C. Enda bebah-bah
 D. Angkat engkerawai.
16. Reti sempama antu berumah di baruh dagu iya nya penusah ti.
 A. tau nyadi ba siku-siku sebarang maya, nya alai tekelanjur jaku.
 B. tau nyadi ba siku-siku sebarang maya, nya alai anang tekelanjur jaku.
 C. enda tau nyadi ba siku-siku sebarang maya, nya alai anang tekelanjur jaku.
 D. enda tau nyadi ba siku-siku nitihka maya ti deka, nya alai anang tekelanjur jaku.

Tanya 17 ngagai 20

Bacha genteran leka main di baruh tu. Saut semua tanya ti nangkannya nya.

Tu ai sempuli padi mudah
 Ditanam Endu Dara Kelinah
 Di tanah datar tarah
 Nyerumba penumbuh Bintang Tangkung Peredah
 Maya taun udah nampun nuntung di penyungghah

Iya dulu diketau Dara Bagau
 udu penyampau menuhka langkau ngisi rumah
 Lalu dipi Dara Tinggi ngena pendu periuk tanah
 Diperesing Manang Iling enggau pamping piring diperah
 Disimpan iya dalam pelawan tajau kelawah
 Tujuh hari udah nya, ensium *bau mealu-alu* udu pemanah-manah
 Dinga kurak tak perebensak munyi umbak mangkaka silak Nanga Mukah
 Lalu mansau ai berau menuhka tajau mua kawah
 Sereta kauk Dara Gauk enggau cherebuk nyiur mudah
 Sarap Dara Nelap enggau lipat kain mirah
 Lalu churung Dara Lempung gurung-gurung tama puchung butul mirah
 Simpan Dara Ganggam berapa bulan lama ke udah

Nya alai lemai tu bantai ba mua kitai ke berintai duduk bekejangah
 Laban randa besai pengawa besai kebuah
 Laban ti kelia menya, ai tu teleba dikena Ngumbang seduai Balang
 Ngansah isau sanjau betatah timah
 Nya ke suah dikena seduai bedengah rawai dua
 Tang ke lemai tu, ai tu semina dikena kitai bebuti sambil bungah
 Awakka kitai tau sama belah mudah gerah, nguan menua.

ditengkebang: John Empenit

- 17 Nama reti rambai jaku *bau mealu-alu*?
- A bau rum
 - B bau angit
 - C bau rengut
 - D bau ampis
- 18 Sapa orang ke ngetau padi ke digagaka nyadi ai tuak tu?
- A Dara Gauk
 - B Dara Nelap
 - C Dara Tinggi
 - D Dara Bagau
- 19 Dini alai Manang Iling nyimpan ai tuak tu?
- A Butul mirah
 - B Periuk tanah
 - C Cherebuk nyiur
 - D Tajau kelawah

- 20 Penerang di baruh tu enda BETUL belalauka leka main di atas.
- A. Endu Dara Kelinah aja ke bumai lalu bulih padi kena ngaga ai nya.
 - B. Ngumban seduai balang kala ngena ai nya ngansah maya menua agi siga menya.
 - C. Ai nya mansau lalu nyadi tuak sepengudah iya diperam dalam kandang seminggu.
 - D Bala ti diberi Ai Ansah nya tau bulih pengelantang sereta chelap lindap nguan menua.